

محمد الفلكي

# حب الوطن

أشعار

صدرت الطبعة الأولى في سبتمبر 2018



محمد عبد السلام محمد عطية

## بطاقة الكتاب

عنوان المؤلف :	حب الوطن
المؤلف :	محمد عبد السلام محمد عطية
إسم الشهرة :	محمد الفلكي
التصنيف :	أشعار بالعامية المصرية
رقم الإيداع :	2018-15661
الترقيم الدولي :	978-977-6656-58-1
عدد الصفحات :	100 صفحة
رقم الإصدار :	234 ( الطبعة الأولى سبتمبر 2018
تصميم الغلاف والتنسيق :	دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ 13 - عقار 304

# الإهداء



إهداء الي اخي وصديقي الذي أتشرف واعتز بصداقته الناقد  
والباحث المسرحي الكبير دكتور محمود سعيد محمد  
اسماعيل رمزا وعلمًا في مجال الفنون المسرحية على  
مستوي الوطن العربي والعالم وعضو اتحاد كتاب مصر

الشاعر  
محمد الفلكي

# سيميترية المشاعر بين الوطن والأنثى فى شعر محمد الفلكى

-----  
ناجى عبد المنعم  
-----

بعيدا عن خصائص كتابة النص الشعري والمواءمة  
الموسيقية الخليلية والداخلية نقف أمام شاعر جاد يعي جيدا  
كيف يوازن فى مشاعره المتدفقة بين الوطن تارة ، والأنثى  
الحبيبة تارة أخرى، فهو يرسم خارطة الوطن بعشقه للأنثى ،  
ويقف على عتبات الأنثى متكئا حاملا وردة الانتماء الوطنى  
يقدمها لها فى أدب واحترام شديدين

وقد صدر للشاعر من قبل ديوانين يحملان نفس  
المعنى فهو يسير فى اتجاه واحد لا يغيره أبدا ، فيرسم  
المدينة الفاضلة " utopia " حلمه الدائم والذى يدافع عنه  
بكل ما أوتى من قوة – هذا الحلم الذى بدأه أفلاطون فى  
جمهوريةه ومن بعده توماس مور وكامبانيا لا فى مصرع  
الشمس – وجميل جدا أن يكون المبدع مثقفا يبدأ من حيث

انتهى الآخرون ليؤدى دوره فى الحياه ويقدم مشروعه الإبداعى كما يراه تأسيسا على مخزونه الثقافى والمعلوماتى

وقد اختار الشاعر محمد الفلكى ( حب الوطن ) عنوانا لديوانه الأخير ليقدم ثلاثيته كنواة لمشروعه الإبداعى والذى يصب فى نهر واحد هو الإنتماء والوطنية بداية من ( أكبر وهم ) ومرورا بـ ( صمت المشاعر ) وانتهاء بـ ( حب الوطن ) فقد اهتم الشاعر بقضية الإنتماء والقومية العربية وحب مصر – ربما على حساب كثير من آليات الكتابة – ولكنه قدم دفقاته الشعورية لتلهب الحماس الوطنى وتنبى بمولد شاعر جاد

ناجى عبد المنعم

# أرض الكنانة

أرض الكنانة  
مذكوره في الأديان  
من الله مصانه  
محفوظه في كل زمان  
مصر الأصالة  
اول بنا لأنسان

---

مصر المناره  
مشهودله بالعرفان  
علمت العالم كله  
ايه معني الحضاره  
نيلها للحياه شريان

طينها خير لولادها  
بيزيد كمان وكمان  
وبتروي لحفادها  
وديما مصر باقيه  
مهما كان وكان

---

يحميها تملي جيشها  
من طمع العدوان  
ويرفرف للسما علمها  
للغزه رمز وعنوان  
مصر هتفضل خالده  
حتي قيام الساعه

# في حضن مصر

علي أرض مصر كلنا  
موجوين  
علي أرض مصر كلنا  
متجمعين  
في حضن مصر كل العرب  
آمنين  
من كل مكان جينا  
لمصر اللي علينا أمينه  
عارفين المصريين  
رجاله وقد الاوله  
وسط أخواتنا وأهالينا  
اللي فاتحين بيتهم لنا



ولا عمرهم قفلوا بابهم  
وتملي حاسين بينا

بلد الناس الأصيلة  
جامعه الكل فيها  
اهل الكرم والطيبه  
والجد عنه والمروءه  
وفي كل مكان تلاقي  
ممدوده ليك الأيادي  
يساعدوك وواقفين جمبك  
حواليك في كل ضيق

ولا عمرنا مره  
حاسينا فيها بغربه  
ووقت الكرب والشده  
مبتخلاش ابدنا  
يارب مصر أحفظها  
وصون شعبها و جيشها  
واحفظ السيسي قائدها  
زعيم العرب وحبينا

## آخر العذاب

أجيبك من اين يا أمل  
وانت البعيد كذاب  
وعملت كل الحيل  
والقلب والله داب  
ينضرب بحالي المثل  
بنيت قصور في سراب  
سلمت امري لربي  
يقضي وحده في أمري  
يخفف عني ألمي  
هوه اللي عالم بحالي

نصيبي واياه العمل  
الفرح ولي وغاب  
حمولي فاقت جبل  
ولا لوم نافع ولا عتاب  
وصبري صابه المثل  
وجبت اخر العذاب

# العزف على أوتار الوجد

لما اتخذ قلبي البرئ  
من أقرب وأعز صديق  
راح الوفا وضاع كل شيء  
حسيت بالجفا وحزن وضيق  
لما هان حبي عليه  
لما باع وكان بأديه  
كانت المفاجاه  
لقيت روعي غصب عني  
بسرعه مسحوبة مني  
حسيت بمرار الصدمه  
والدنيا حوليه ضلّمه  
ومعرفتش أعمل ايه

معقوله دا كله يجري  
مصدقتهش انه يخون  
مت الف مره  
وضاق عليه الكون  
بسهوله كدا ينسي  
وازاي عليه اهون

## باقى لينا ايه

اللي بنبات فيه  
بنصحي عليه  
ملينا خلاص  
مات الأحساس  
ودلوقتي خلاص  
باقى لينا ايه

.....

أيامنا كلها  
بقت تشبه بعضها  
بنعشها زي ماهيه  
وغصب عننا

بنداري دموع عينا  
ونخاف لبيان علينا  
الناس ماهيرحمونا  
وهيشمتوا في جرحنا

.....

نستغرب لما بنضحك  
وكأنا بنسرق  
وفي دموعنا بنغرق  
والفرح مش من حقنا  
نتحمل مهما يجري  
دايرين تملي في ساقية  
راضيين على كل حال  
ناسين ديما روحنا  
عاشين بس لغيرنا  
وحكايتنا بقت موال



## بركان الوجد

في عز صمت الاحساس  
وبركان الوجد اللي فيك  
تلاقي كل الناس  
ولا حد حاسس بيك  
جواك ماليك الهم  
احزان عليك فاضت  
ولا حد لك يهتم  
احاسيس خلاص وماتت  
المصلحه بقت الاهم  
في دنيا علينا وضافت  
الكل في ساقيه دايره  
بيدور ع اللي ليه

واحوالنا ولا مفهومه  
متعرفشي بس ليه  
بقت قلوبنا تقسي  
بسرعة ع بعضينا  
وهانت علينا العشرة  
وبنجرح اعز مالينا  
وبنهجر وقوام بننسي  
انهم ناسنا وأهالينا

## بیموتنی بالبطنی

ضحیت بعمری کلہ

وعشت ملک ادیہ

غدر بیہ وبعنی

وہان حبی علیہ

.....

لما اکون مش شایفہ غیرہ

لما بتنفس ہواہ

وہبہ قلبی ولیہ أسیرہ

لما اکون طیبہ ودوا

لما اعیش علشان بحبہ

لما تبقي راحتہ جمبی

لما اوفي واخلص لقلبہ

يكون جزائي ورد لوفائي  
يظلمني ويخذ عني  
ويسبني لوحدني اعاني

.....

مصدومه فيه  
واعمل ايه  
معدش فاضلي  
غير ألمي ووجعي  
خان قلبي البرئ  
وبيموتني بالبطيئ

## ثورة شعب

لما حس الولاد  
ان البلاد هاتضيع  
حددوا الميعاد  
وقالوا لا للتركيح  
وقام الشعب بسرعة  
ع الاستمارة بالتوقيع

.....

وفي يوم ثلاثين من ستة  
سنة الفين وتلتاشر  
في كل شارع وحته  
مع بعضها تتكاتر  
ملايين نزلت وقالت  
ارحلوا دي بلدنا

ارضنا وعرضنا وشرفنا  
ومهما داقت وشافت  
عمرها ابدأ ماخافت  
ولا وافقت ع للتطبيع

.....

ثورتنا ثورة شعب  
قام بيها وحماها الجيش  
وقال مهيش بالغصب  
ونموت اوحتي نعيش  
بس علشان بلدي  
تكون مرفوعة الراس  
ويسيل كل دمي  
فداها ميهمنيش  
هنزل وأغير بأيدي  
والخونة محكمونيش

وقال الاسد المهله  
تمانية واربعين ساعة  
نعمل انتخابات رئاسيه  
والشعب وحده يختار  
وعشان سوء النية  
وطبعهم الغدار  
يحكمونا ليموتونا  
ودا عندهم القرار

.....

استوطنوا ميدان رابعة  
اكثر من اربعين يوم  
وعلي كل عماره عاليه  
حطوا ليهم قناصه  
فاكرين الحال هيدوم  
ودقوا المتاريس

وعملوا ليهم منصه  
يهددوا ويتوعدوا  
ودي كانت الخطه  
والوضع للتأسيس

.....

وجزيرتهم دي قناتهم  
بمليارات الدولارات  
مأجورة وعكس الصورة  
بتبث فى الاشاعات  
عشان تضلل وتقول  
إنقلاب ع الشرعية  
وتصور للعالم كله  
انه في دوله داخل دوله  
لكن في رجاله صاحبة  
راصدة لكل حركه



شرطتنا وضعت خطة  
والسلام كان هدفها  
وذاعوا البيان  
خروج من ممر امان  
وتسليم كل الرهاين  
وفض بسلام العصيان

.....

ثورتنا اعظم ثوره  
عرفها العصر الحديث  
كانت بأرادته حره  
ضد كل عميل وخسيس  
والشعب قاد ثورته  
وقال خلاص كلمته  
وكان اختياره قراره  
السياسي هو الرئيس

# حب الوطن

حب الوطن مش بس كلمه  
حب الوطن جوانا معنى  
يتولد لحظة ميلادنا  
يكبر معانا ودا انتماعنا  
حب الوطن  
احساسنا أحنا  
يجري في دمانا  
جوه عروقنا  
نضحي عشانه  
نفدية بروحنا

.....

حب الوطن جوانا فطرة

مهما قسينا

مهما تعبنا

عمرة ماكان لمجرد فترة

دا من بدايتنا لنهايتنا

جوانا عادة

فرض وعبادة

وأصل وجودنا

# حلمك قدام منك

اوعي في يوم تتردد

دا حلمك قدام منك

خليه ديمًا هدفك

وكون واثق من نفسك

أياك اليأس يصيبك

وتسلم وتقول دي ظروفك

محدث راح يحلمك

ومتلمش حد غيرك

حاول مهما يكون  
وسيبك م الظنون  
لو عايز تكون هتكون  
وشق لبكرا طريقك  
اعمل كل اللي عليك  
وسلم امورك لله  
دي مهما ضاقت عليك  
بكرا تحلو الحياة

# خلینا أصحاب

خلینا اصحاب

معدش وقت لای کلام

بزیاده آلام

کفایة عذاب

خلینا اصحاب

کفایة حرام

وبلاش ملام

ولا حتي عتاب

هنبکی تانی لیه

هنساك وخلص انساني

فاضل بينا ايه

علشانك او علشاني

غير الف دمه ودمعه

وعيون م الهم عامية

والحزن علم فيها

وقلوب صابرة وساكته

# ريحتها فيها

فاكرها ومش ناسيها

حاسس بلمسة أديها

الورده صحيح دبلت

لكن ريحتها فيها

عمري اللي راح كان بيها

عمري اللي جاي جاي ليها

ودي الذكري الوحيد

اللي هعيش وكمل عليها



جواها ساكنه هيه  
شايفها ولمسها وحاسسها  
مبتغش عني لحظه  
في كل مكان حويله  
صورتها ساكنه في خيالي  
على طول ديما في بالي  
هتفضل جوه مني  
مهما أقابل غيرها

# سيبورها في حالها

جايبين في سيرتها

ومش رحمينها

ليلا تي وكل يوم

سيبورها في حالها

دا اللي جرالها

كفاية عليها عتاب ولوم

دا اللي صابها

م اللي خدعها  
كتير عليها

وبيالماها

كفاية عليها

دموع عنياها

حسوا بيها

وبعذبها

مشاعرها كانت بريئة

وهي دي الحقيقة

اخلصها في حبها

بتسموه خطينة

راح وفاتلها الجرح  
وعذاب مبينتهيش  
جمع المرار طرح  
جواها احزان تعيش  
وولي زمان الفرح  
مش باقلها غير الهموم

# ستظلين يا أمي

ستظلين يا أمي

رغم رحيك عني

اتنفس اسمك

صباحي وامي

.....

تحيين بدمي

وعشقك يسكنني

وما زلت انت

وحدك يا أمي

تملكين سري  
وأصل وجودي

.....

وعما قريب  
سيحين اللقاء  
سيلتقي يوما  
حبيب بحبيب  
وانتظر دوما  
دواء الطبيب  
فأنت العله  
وانت الشفاء

# صابرين ع الأيام

صابرين ع الايام

والايام مش صابره

بتزيد علينا الألام

دايرين تملي في ساقيه

متعصبه عيونا

متكففه أدينا

ولاحد حاسس بينا

وهانت عليهم العشره

جوانا الحزن علم

ومش قادرين نتكلم  
ولمين بس هنتظلم  
راضين بمر الحال  
عاشين حلاوة روح  
والفرح مش مسموح  
والعمر عمال يروح  
والحمل بينا مال  
ولا حقنا مره السعاده  
ساقينا المر بذياده  
والهم اصبح عاده  
وقصتنا بقت موال



# طريقی

طريقي عرفت اخره

مشواري هکمله

وهبعد خلاص عنه

وهسييه وعلمه

ازاي يعيش لوحده

بعذابه وحيرة قلبه

انا ياما شفت منه

واتحملت عشان بحبه

قولت يمكن يعرف قيمتي

بقي اخلاصي ليه خطينتي  
واللي تعود على جرحي  
سهل يجرح الف مره  
ويا ما كتير سامحته  
عمري ما في يوم جرحته  
دلوقتي جه وقته  
يعرف ايه حقيقته  
وأنه مش فارق معايا  
لما خني وباع هوايه  
اديته الف فرصه  
خلاص دي النهايه

# ظلال الماضي

كنت فاكِر شيءٍ عادي  
وأيام وهتمر قوام  
أتاري الزكريات من تاني  
بتعود بكل الألام

.....

مش سيباني في حالي  
وحالفه عليه ميت حلفان  
يااما اموت وتفارقتي  
يااما اعيش في الاحزان

وما بين جسد مبلي

بعلة عاشق ولهان

وما بين روح هايمه

عابره لكل زمان

تجد ظلال الماضي

ترواد بقايا انسان

## عزة نفس

ما بين انكسار وحصار  
وبصيص أمل من يأس  
وروح رايقه واستعمار  
رافض بعزة نفس  
يكون اسير جوه  
وهم وسراب كذاب  
بيدافع بكل قوه  
مهما طال الغياب  
ولو نزلت الف دمعته

ولو شاب القلب وداب  
أصراره وعناده اقوي  
من كل سنين العذاب

.....

ورغم كل اللي فيه  
بيحاول ويكابر  
ولاحد حاسس بيه  
لكنه ديما بيعافر  
حلمه يكون بأديه  
وعمره تملي صابر  
لحظة رضا ترضيه  
ولصبره اكيد آخر

# قالوا من أين الجدع

قالوا من أين الجدع

قولت م المجاريح

قالوا من أيه الوجع

قولت صادق وصريح

.....

لا أيدة مرة اتمدت

ولا عمرة كان بيغش

سنيين عمره اتقضت

وهوه بنفس الوش

.....

الصبر كان عنته

والمر ذاد وذواد

سبوه أسير وحدته

واعلنو عليه الحداد

ا



قالى سنه

قالى سنه

هغفب سنه

وهفرع تانى

له هنا

عدت سنن

طال الحنن

ذاد الانن

عله انا

ملت الانتظار

فى القلب نار

وفي الليل والنهار  
بتمني اللقاء  
بحلم يوم يجيني  
تشوفه مره عيني  
لحظة واحده يحيني  
واموت بعدها

## قصة إنسان حزين

ما بين يأس وأمل

ما بين كلام وسكوت

عمل كل الحيل

لا عايش ولا ييموت

.....

رغم كل اللي فيه

كان جمل حمال

محدث حس بيه

ولا عمرة نخ ومال

للصبر كان موال  
يعافر ويه الزمان  
قصيدة للاجيال  
وللبشر كان عنوان  
صامد كما الجبال  
مهما عدت سنين  
وعلى كل الاحوال  
قصة انسان حزين

## قلب مات

عائزين ايه من قلب مات  
كان بيحلم والقطر فات  
ضاع حلمه وراح أمله  
عاش لوحده ع الذكريات  
كان لكل صاحب وصديق  
كان احساسه صافي وبرئ  
مخلص تملي في كل شئ  
وانتهى عمره من سكات  
قصه حزينه هوه

حب بكل قوه  
من جوه القلب جوه  
وخانه اعز ماله  
كان صادق في مشاعره  
هان عليهم وبه غدرو  
باعوه وسبوه بألمه  
ودمعه مالي عنيه  
ومين بيسأل عليه  
ومفیش حاجه بأديه  
دلوقتي خلاص لوحده  
مع دقات الساعات

# كثر ألف خيرك

كثر ألف خيرك

ع الغدر وع القسيه

ومسيري ارد جميلك

واللي عملته فيه

حقك ولازم هرده

والكل هياخد حقه

ونتعدل في كل حاجه

دادين وواجب عليه

لما ترجع وتتوجع  
وعيونك م الدمع تشبع  
معدش ليك حاجه تشفع  
هتلاقيني تحت امرك  
هدوق من نفس كاسي  
وتجرب عذاب احساسي  
وهفرك لوناسي  
بغدرك وظلمك ليه



# كفنوها وحملوها

كفنونها وحملوها

وع المقابر هيشيعوها

وكانت الوصيه

ادفنوني في قبرامي

حطوني جمبها

هوه اللي حنين عليه

وانا الاولى بيها

وهيه الاولى بيه

والجنة في قربها

والاخره مع بعضنا

# كلمة أخيرة

كلمه اخيره

وهقولهاك

قلبي اللي حبك

وضحي عشائك

ضيعة بعندك

وبغائك

.....

فكرت نفسك

تتحكم وتأمر

خاتك غرورك

دلوقتي تخسر  
رهنت ورهاتك  
على اغلي شيء  
كان بين أديك  
مخلص برئ  
هان عليك  
وضيعته منك  
دلوقتي بجرحك  
فاضلك ايه  
كمل لوحذك  
دا دين عليك

# لا أنا منجم ولا دجال

لا انا منجم ولا دجال

ولا بوشوش الودع

ولا حتي بضرب رمال

ولا قلبي مره خدع

.....

سليم القصد والنية

وصافية لوجه الله

ولو جايا عليه الدنيا

ولو ضاقت مره الحياة

راضي وماشي في طريقي

وماد للناس إيدي

بكل الود والاخلاص

جوايا ضميري بيعني

ولو احزاني تألمي

مبتقدرشي تغيرني

طول ما أمني وسعادي

عمل الخير بكل ضمير

واساعد غيري وإيثاري

على نفسي رضا ربي

# لا متقولشی

لا متقولشی

مش عایز اسمعها

خلاص هتمشي

دي آمر كلمه

كنت خايفة

يجي يوم يبعد عني

حاسه وساكته

وبقول ازاي ممكن يسبني

ولا عمره هيقدر  
يفارق حضني

على طول بفكر

وبكدب نفسي

معقوله كدا معقوله

كل اللي بنا يروح

ويضيع كدا بسهولة

مش يبقي غير الجروح

.....

مليش في الدنيا بعده

معرفشي غير اني احبه

هعيش ازاي من بعده

والحياه دي بس جمبه

مكنتش مستعده

ابدا للحظه ديه

خلاص دي النهايه

الموت اهون عليه



# لا عمرى فى يوم

لا ظلمتك ولا خدعتك

ولا عمري في يوم صارحتك

نكون لبعضنا

لأعاهدتك ولا وعدتك

ولأمره قولت بحبك

صديق معاك أنا

ودیما صدیقک وصاحبک

قرب منک وجمبک

بحس بالمک ووجعک

وصریح معاک ومریتک

تحکیلی وخفف عنک

تشکیلی وبسمع منک

تبکیلی وامسح دمعک

وبکل طیبه وبراءه

بتألم کثیر لحزنک

وطبطب علیک وحسک

وبموت عشان خاطرك

ودا معنی الصداقه

سامحني مش قادر اكونك

غير بس صاحبك

اعزني مش بأيدي

والله غصب عني

ويعز عليه قلبك

# لساك بتخاف

لساك بتخاف  
جواك انصاف  
حتي للغدار  
وع الغير مسؤل  
تلتمس اعزار  
للناس على طول  
لساك بطيب  
م الكل قريب  
في زمان الطيبه

بقت تتعيب  
لساك فارد  
ومادد أيدك  
بالخير بتساعد  
وصافي ضميرك  
مهما ضاقت  
عليك الحياة  
بالنيه الخالصه  
ولوجه الله

لساك كدا واضح  
وجواك جرحك  
بداوي الجارح  
وداري على وجعك  
ورغم اللي حصلك  
بتنسى وتسامح

# لما تحس إنك متاخذ

لما تحس انك متاخذ  
من نفسك وفكرك شارد  
جواك الحزن ملوش آخر  
وكأنك والههم متواعد  
والدنيا جايه عليك  
وكل الناس حواليك  
عايزه مصلحتها منك  
وصافي ضميرك وبتساعد  
مكبوته الضحكه وبتعافر

وبتعانده الدمهه وبتكابر  
وتملي راضي وصابر  
على جلد الايام الشادد  
وديما عايش لغيرك  
وحامد وشاكر لقلبك  
ومسلم لله أمورك  
بالخير أديك مادد



# لما تشوف الموت بعينيك

لما تشوف الموت بعينيك

ويكون بينك وبينه ثواني

وربك منه ينجيك

وترجع للدنيا من تاني

لحظه بتفرق عمر

فيها او رحلت عنها

في الخير وفي الشر

والشاطر اللي يعقلها

الدنيا دار العمل  
والآخرة للي يعوز  
عشها وخلي الأمل  
بالجنة اكيد هتفوز  
احسن واشقي بكد  
بنيه صافيه وجد  
هتلاقي نفسك بجد  
واللي زرع حصد

# لما عاندنا بعض

شوف وصلنا لحدفين

لما عاندنا بعضنا

خسرنا احنا الاتنين

وضيعنا عمرنا

في ألما وانكسرنا

ملومش حد غيرنا

انا وانت اللي اختارنا

وارضينا بعدنا

زادت علينا الجروح  
ولمين نشكي ونبوح  
رجعونا مش مسموح  
بقي غصب عنا  
بنكمل حلاوة روح  
وخلص بكل وضوح  
مش شافع دمعنا  
خلص معدشي باقي  
غير اشواقك واشواقي  
تكوي وتعذب فينا  
قدر ومكتوب علينا

# مات الإحساس

مات الإحساس  
في قلوب الناس  
والحب ارتمي  
ع الأرض وانداس  
كان في زمان  
معزه واخلاص  
محبه وامان  
دلوقتي خلاص

الكل بيدور  
دلوقتي على نفسه  
مش عايز غير  
بس مصلحته  
هانت العشرة  
بين الناس

# مالك يا وليدي زعلان

مالك يا وليدي زعلان

حساك ع طول حزنان

فيك ايه احكي لمك

ملكش غيرها أمان

ياما حاسس انني

بقيت غريب في بلدي

ومليش فيها مكان

ودا غصب عني

وديما شعور بيقتلني

عايزين يسرقوها مني

مشهيقالي وجود على ارضي

وتبقي مرتع للأخوان

لا ابدا يا ولدي

دي مصر ربك حافظها

ومها يكون متخفشي

ابدا يوم عليها

حاولو كثير ما قدرو

ولا مره يغصبوها

اخواتك هناك ع الجبهة

اسود رعود يحموها

وانا وانت هنا هنصونها



وطول ما انتم ايد واحده

ورايتم ديما متحده

هيهابكم كل جبان

# مبروك للفرعون المصري

مبروك للفرعون المصري

اللي مشرف بلده تملي

راجل طول عمره وأصلي

أفضل لاعب وبطل الدوري

محمد صلاح في ليفربول

رافع راسنا ديماع طول

مشهود له م العالم كله

وإنجازاته سابقه وحصري

بيمتعنا بفن وخبره

وبيسحرنا بجمال الكوره  
وبياخدنا معاها يجزبنا  
دا جوه قلوبنا ومالي عنينا  
ابومكه اصبح ماركه  
رمز لجيل ولغيره قدوه  
بار بأهله وعاشق بلده  
الله عليه ودا مين هينافسه

## ما يقتش فارقة معايا

لا محايله ولا معانده

مبقتش معايا فارقة

خلاص انا م النهارد

هعيش بس لنفسي

مش هضعف تاني وارضى

ولا مني هتنزل دمعاه

ومهما يكون ويجرى

هكمل خلاص لوحدي

محاول اكيد وهنسى  
ايامي اللي كانت قاسيه  
عشتها وعدت عليه  
دلوقتي هعرفها قيمتي  
رجوع تاني مش مسموح  
بقولها وبكل وضوح  
من كتر ما شفت منها  
اتعلمت فين مصلحتي

## معنى الوطن

معنى الوطن

مش كلمه

معنى الوطن

المعنى

وقت المحن يجمعنا

كلنا ايد واحده

مفیش فرق بنا

منه احنا وليه

میهونش ابدنا علینا

ومنهنش ابدنا علیه

معنى الوطن فرض

مش طول ولاحتي عرض

شرف يتصان وعرض  
اسود ع الحدود بتموت  
عشان تحمي الارض  
معنى الوطن جونا  
يتولد لحظة ميلادنا  
تسيل عشانه دمانا  
وتهون بأمره أرواحنا  
معنى الوطن رجاله  
ملهمش غيره بديل  
عشق الوطن حاله  
وصفها مستحيل

# مواطن بلا وطن

رغم الشدائد والمحن  
متعلقة قلوب الاحبة  
مشتاق لك يا وطن  
والروح ملهوفه ودايب  
لحظة لقي  
تجمعنا تاني  
امتي بقي  
ولا أمانى  
جوانا مؤلم  
ولا حد يرحم  
ولا حقنا



حتي نحلم  
متغربين في بلاد غريبه  
ضل أمانا الطريق  
متقسمين هنا وهناك  
موتنا بالبطئ  
ايه زمبنا  
في اللي جري  
سال دمننا  
ولا همهم  
اصبحت المجازر عاده  
سوريا انت مالمواجه  
يمنا ضايع  
قدس بيصرخ  
ولا حد يسمع  
ليبيا بتدمع

قلوب ساكته ومتحجرة

والكل شاهد

ورغم المشاهد

المتكرره

في كل مكان

سالبين للارض

هاتكيين للعرض

ناهبين حتي الحجر

وكأنه خلاص

مات الاحساس

في قلوب البشر

وعلينا اصبح فرض

والمسأله والمعضله

بقت الحقيقه المفجعه

أن المواطن بلا وطن

# نفسى

نفسى اعيش  
من غير ألام  
نفسى اكون  
زي الحمام  
طير يرفرف في السما  
وخطي كل الحدود  
وبدون قيود  
والمس بأديه الهوي  
وبدون جراح  
والكون براح  
في حاله سماح  
ورضا وصفا

نفسي في يوم  
تنساني الهوم  
وما بين صباح وامس  
يمل مني اليأس  
وتتبدل الغيوم  
وارتاح م الشقا  
نفسي تهدي عليه نفس  
وارتاح ولو بأمل كذاب  
نفسي ينساني العذاب  
نفسي ولكن غصب عني  
اشتري راحة البال  
ولا محال  
مقسمومه روي  
وديما في حاله شرود

نفسى اعيش مره فى سلام  
ولا حرام مر الايام  
اتكتب بس عشاني  
واشربه وعمال يذيد  
نفسى ادوق الفرح مره  
ليه يا دنيا  
ديما معانده  
وحالفه عليه  
وخاتمہ بالتأكيد

# ولا ينساك

ولا ينساك

مهما تغيب

الروح تهواك

وانت الحبيب

بشتاق اليك

مشغول عليك

وانت الدوا

وانت الطبيب

قسوه وعذاب

والقلب داب

احتار وياك

أمرك عجيب

بتبعد تسبب

جراح ماتطيب

والفكر شارد

بيودي ويجيب

## الشاعر فى سطور



الاسم / محمد عبدالسلام محمد عطية

( الشهرة : محمد الفلكي )

الزقازيق / شرقيه

شاعر وكاتب ومعلم تمهيدى ماجستير فنون مسرحية 2018

1 / أخصائي فنون مسرحيه بالتربيه والتعليم وعضو نقابة المعلمين  
بالشرقيه

2 / عضو نادي ادب قصر ثقافة الزقازيق .

3 / منسق عام صالون الأدباء العرب بالشرقيه .

4 / وعضو اتحاد رابطة شعراء العاميه المصريه .

5 / عضو جمعيه عموميه الهلال الاحمر المصري بالشرقيه

6 / تمهيدى ماجستير فنون المسرح .

حاصل ع شهادات تكريم من مكتبة الإسكندرية 2014



- وشهادة تكريم من ملتقى ام كلثوم الثقافي بالسنبلاوين تحت رعاية وزارة الثقافة 2014 .
- حاصل علي شهادة تكريم من دار الأوبرا المصريه في زكري انتصارات اكتوبر 2015 .
- وشهادة تكريم من صالون ابن القناه وسيناء بالنادي الاجتماعي بالاسماعيليه 2015
- شهادة تكريم من مهرجان سقراط للنقد والابداع بالمنصوره 2016 .
- وشهادة تكريم من نادي ادب الاربعين بالسويس 2016
- شهادة تكريم من دار نشر النيل والفرات 2017
- والعديد من الجوائز والتكريم من ملتقيات وصالونان ومهرجانات للشعر والاداب والفنون .
- ونشر قصائدي في : جريدة الوطن والجمهورية اليوم/ اخبار الوادي / جريدة الرأي المصريه الدوليه
- صدر له**
- أكبر وهم ( أشعار ) عن دار النيل والفرات للنشر والتوزيع 2017
- صمت المشاعر( أشعار ) عن دار النيل والفرات للنشر والتوزيع 2017
- حب الوطن عن دار النيل والفرات للنشر والتوزيع 2018

## محتوى الكتاب

2	بطاقة الكتاب
3	الإهداء
4	سيميترية المشاعر بين الوطن والأنثى
6	أرض الكنانة
8	فى حضن مصر
11	آخر العذاب
13	العزف على أوتار الوجد
15	باقى لنا إيه
17	بركان الوجد
19	بيموتونى بالبطىء
21	ثورة شعب
26	حب الوطن
28	حلمك قدام منك
30	خلينا أصحاب
32	ريحتها فيها
34	سيببوها فى حالها
37	ستظلين يا أمى
39	صابرين ع الأيام

41	طريقى .....
43	ظلال الماضى .....
45	عزة نفس .....
47	قالوا من أين الجدع .....
49	قال لى سنة .....
51	قصة إنسان حزين .....
53	قلب مات .....
55	كثر ألف خيرك .....
57	كفنها وحملوها .....
58	كلمة أخيرة .....
60	لا أنا منجم ولا دجال .....
62	لا ماتقولش .....
65	لا عمرى فى يوم .....
68	لساك بتخاف .....
71	لما تحس إنك متاخذ .....
73	لما تشوف الموت بعينيك .....
75	لما عاندنا بعض .....
77	مات الإحساس .....
79	مالك ياويلدى زعلان .....
82	مبروك للفرعون المصرى .....

84	..... ما بقتش فارقہ معايا
86	..... معنى الوطن
88	..... مواطن بلا وطن
91	..... نفسى
94	..... ولا بنساک
96	..... محتوى الكتاب

سَعَدْتُ بِكُمْ جَدَا  
وَأَرْجُو أَنْ أَكُونَ  
قَدْ قَدِمْتُ لَكُمْ مَا يَحْتَرَمُ  
عَقُولَكُمْ وَيَسْعِدُكُمْ  
\*\*\*\*\*

الشاعر

محمد عبد السلام محمد عطية  
محمد الفلكى

